

承啟堂稿

海石先生文集卷之七

五言絕句

黃陂署中走筆六首

午餉黃陂署停驂一解綈階前白鶴舞門外紫騮嘶

其二

午餉黃陂署雙池枕畫樓隔林猶剩菊別院有高楸

其三

午餉黃陂署晴暉映凡明青山連障迥過鳥兩三
聲

其四

午餉黃陂署橫空一鶴飛可能附雙翼應是勝驂
駢

其五

午餉黃陂署荒郊四望空疲氓多訟牒駐馬爲觀
風

其六

午餉黃陂署荆襄憶遍遊蒼茫臺榭古縹緲碧山
秋

贈雲龍洞主人賡邢侍御韻二首

亭隱三江日松搖五嶺雲此中有龍卧神變孰能
羣

其二

古洞依蒼翠谿舂欲逗雲化爲霖雨潤枯槁盡芳
芬

咏鷹二首

斂翮依階砌羈棲盡日閑側身望霄漢心颺碧雲間

其二

爲罹虞人網旋爲鞬架羈西風秋萬里側目莽蒼達

雨霽二首

積雨門長閉不禁簷際風朝來煙樹外縹緲見晴虹

其二

溪頭新水滿漠漠斷雲橫登樓一以眺斜日暎波
明

獨坐

四壁鳴蛩急秋風思不禁起望天邊色瑤空月漸
沉

尋菊二首

籬邊蔓草偃菊花應已放朝露暎叢竹日光但搖
漾

其二

爲問黃金萼朝來當爛熳攝屐攜詩翁花前一吟
玩

憶仲兄永州

別路三千里鄉心幾萬重憑誰將尺素能過鴈回
峯

偶吟

鷗翻浪頭雪蜂抱葉間花造化無專賦生機各有
涯

默坐

一犁春雨足田家樂事多
牕前讀易罷嗒爾聽農歌

淨慈閣

虛閣凌空翠偶來寓游目南屏人跡稀
歌舞湖中足

雪意二首

朝來風凜冽雲色黯牕前應有霏微白
相參綠竹邊

其二

誰將并州刀快剪鴉鴿細隨風自飄颺宛轉虛簷際

新茶

欲向陽羨游春雨阻行檝山僧攜滿籠門前挂青笠

桃花

盡日茅堂裏不知桃已紅溪邊回首望今日遇春風

蟬

風靈秋來急飛螢傍夜簷不知深樹裡猶自有鳴蟬

月

高秋氣逾爽祇覺月明多試向嫦娥問西風奈爾何

別思

朝來送歸客西風帆驟揚無奈陽關意相看鬢滿霜

僧院

山齋常寂寂好鳥鳴深樹時聞清磬聲雲橫不知處

湖上

滉漾湖中日灼灼金波明遠山橫翠靄近樹忽聞鶯

雪中梅

梅花已自香著雪更多豔常教梅似雪日綴瓊枝

上

竹

竹色散晴煙
欣看暮靄前
須教明月上
深翠自相憐

半來看山事
蘇轍一詩
滌滌春六十日
景愈奇
山色碧於苔
輕烟護不足
祇爲松間風
相吹不相屬

六橋

重湖澹不流水底
羣峯積忽見日平
西風來颺深

碧

藕花居

緩步湖隄上琳宮綠樹餘回看隄路畔旭日照芙渠

蚤梅

踏雪尋溪畔悠然香驟聞心知梅蕊放能有此清芬

人日

年來饒樂事梅柳一時新到春方七日景色倍堪親

題畫

山色鶻群翠漁舟溪水中不知松檜密乍起打頭風

偶成

落日光初暝書燈自可親空齋高咏後明月照重闌

過秦人洞二首

山深行跡少夾路見蒼筠欲避函關道翻逢洞口

春

其二

奉帷入深谷不妨起乘曙欲事采真游桃源在何處

聞鴈

人生不自覺歲月似飛蓬却憶冰霜後天空又北鴻

野馳

晴日尋春去芳菲已漸稀那堪一回首風雨送春歸

偶筆

蕭索門前柳翩翩水上鷗人生強碌碌何異一蜉蝣

六言

登半山寺二首

長松時拂翠靄脩竹遠蔭清波山徑鶴飛雲際野
田雀啄新禾

其二

舍利高凌白日古木青掛煙蘿門枕審山幽徑地
連葛井丹窩

西湖雨中二首

山際濛濛煙合湖中渺渺雲飛幾點浮鷗掠水一
蓑弄棹人歸

其二

西子眉顰翠合恰疑愁望長凝且向幽齋高枕徐
看月鏡光生

贈高卿

澱山湖邊客舫來尋曲徑煙蘿風雨連朝離思一
尊子夜吳歌